

330 - Stjórnarfundur LEB 27. apríl 2020

Kl. 9.45-12.00 - Fundur no: 330. Fundurinn haldinn sem fjarfundur í Teams.

Mættir: Þórunn Sveinbjörnsdóttir formaður, Haukur Halldórsson, Ólafur Ingólfsson, Drífa Sigfúsdóttir, Valgerður Sigurðardóttir, Dagbjört Höskuldsdóttir og Ellert Schram.
Ingólfur Hrólfsdóttir var inni hluta fundsins en samband við hann slitnaði.

Fundargerð síðasta fundar, 3. apríl 2020. Samþykkt.

1. Aðgerðarpakki 2 frá ríkisstjórn.

Þórunn skýrði frá því að 1,1 milljarður væri hugsaður til aðstoðar viðkvæmum hópum og aldraðir þar á meðal. Taldi hún upp td framlög í aðgengismál, velferðartækni, sálfræðiaðstoð og í styrkingu Heilsugæslunnar um land allt. Ekki hefur gengið vel að fá upp hvað sérstaklega væri fyrir eldri borgara, þó að margt af þessu snerti þá vissulega. Ellert spurðist fyrir um starfshópinn sem þau Haukur og Þórunn sitja í. Ekkert hefur verið fundað undanfarnar vikur.

LEB hefur verið að vinna með einmanaleikann og eru verkefni í gangi en Þórunn telur að við getum að mörgu leiti vel við unað hvað varðar þjónustu við aldraða.

2. Landsfundur. Hvenær? Hvar eru aðildarfélögin stödd?

Búið var að setja fundinn 9. júní en ljóst er að það gengur ekki, sérstaklega vegna félaganna sem mörg hver eru ekki búin að halda sinn aðalfund, td öll stóru félögin. Samþykkt að boða fund 30.júní með fyrirvara.

3. Ársreikningar LEB.

Ársreikningar fyrir árið 2019 (drög) voru sendir stjórn í tölvupósti. Vegna erfiðs sambands við Valgerði, var ákveðið að haldinn yrði venjulegur fundur í maí og þá yrði farið betur yfir þá og fengnar skýringar ef þarf.

Rætt um kostnað vegna skýrslu Skúla M. Sigurðssonar, vegna starfa fyrir kjaranefnd. Allir sammála um ágæti skýrslunnar en hún kostaði talsvert. Valgerður gaf nokkrar skýringar en málið verður rætt á maí fundinum.

Haukur þakkaði fyrir vel unna reikninga.

4. Verkefni tengt einmanaleika og tilraunaverkefni.

Símaþringingarverkefni í samstarfi við Rauðakrossinn hefur gengið vel. Vantar fleiri símavini. Þórunn stakk upp á að skoðað yrði að fá félagsráðgjafanema til að gera úttekt á verkefninu en hópur frá þeim hefur unnið í verkefninu.

Tillaga um styrk vegna þessa verkefnis. Tekið jákvætt í það.

5. Ferðalög innanlands í sumar: Hvað getum við gert?

Samþykkt að LEB sendi hvatningu til félagsmanna að ferðast innanlands og benda á að við getum ferðast utan háanna tíma. Muna þarf að þessi hvatning á ekki við um ferðir í rútum að svo komnu máli.

6. Verkefni: Fólk sem býr eitt og er yfir 85 ára aldrí .

Tekið fyrir undir lið 4. Hér er slóð á verkefnið: <http://www.leb.is/frettir/simaspjall-vid-eldri-borgara-vertu-simavinur/>

7. Nokkur verkefni sem hafa verið lögð fyrir LEB.

Boð um þáttöku í ýmsum verkefnum hafa komið á borð LEB. T.d. verkefni í sjónvarpi um einmanaleikann og vináttu. Kona sem saumar dúkkur með andardrætti og hjartslætti vill koma þeim á framfæri til heilabilaðra. www.lulladoll.com
Mikið er um fyrirspurnir af ýmsu tagi.

8. Eldri innflytjendur – verkefni.

Starfshópur er í gangi sem fjallar um eldri innflytjendur. 3200 manns er á Íslandi sem er 60 ára og eldra. Unnið er að því að finna aðferðir til að nálgast þetta fólk og afla meiri upplýsinga um stöðu þeirra. Tilgangurinn er að þau verði virkari í samfélaginu.

9. Áhrif covid-19 á eldri borgara.

Margar rannsóknir munu verða gerðar. Við þurfum að fylgjast vel með og sjá um að aldraðir gleymist ekki í þeim rannsóknum.

10. Afsláttarbókin og dreifing hennar.

Hún er komin í dreifingu, er ekki gallalaus en gott að hún er komin og vonandi nýtist hún vel. Þörf á að hvetja landsbyggðina til að safna aðilum á sínum landssvæðum til að þjónusta sínum félagsmönnum. Lítið frá sumum landshlutum og ekkert frá öðrum.

11. Önnur mál.

- a. Rætt um að við þurfum að taka þátt í baráttunni fyrir að nota og kaupa íslenska framleiðslu og vörur. Veljum Íslenskt endurvakið.
- b. Dagbjört sagði sína skoðun að Tryggingarstofnun ætti að borga sérstaka framfærsluuppbót til aldraðra sem væru með lægstu tekjurnar. Þessi faraldur hefur haft í för með sér aukinn kostnað á mörgum sviðum. Í allri umfjöllun um aldraða væru þeir allir settir undir sama hatt, en það er ekki réttlátt. Margir hafa það gott en mjög margir hafa það skítt.
- c. Haukur minnti á tillöguna sem stjórn LEB sendi frá sér í veturni til stjórnvalda og ekkert hefur verið gert með, alltaf svörin að þetta og hitt sé í vinnslu.
- d. Ellert sagði að alltaf væri verið að hjálpa hinum og þessum en ekki þeim eldri

borgurum sem væru fátækir. Haukur og Ólafur vilja nota skýrslu Skúla um tekjubreytingar og hækkanir til að vekja athygli og sem röksemdir fyrir breytingum. e. Dagbjört sagði frá því að Velferðarnefndin myndi funda meira fyrr en nær landsfundinum drægi, því að mál sem í henni þyrftu að vera í takt við tímann.

Næsti fundur fyrirhugaður seinnipart maí.
Fleira ekki gert, fundi slitið.

Fundargerð ritaði Dagbjört Höskuldsdóttir

Haukur Flæðisson
Lyðfut Þólfur
Ólaf Þór Jónasson
Emit B Schramm
Dóra Sigfusdóttir
Dagbjört Höskuldsdóttir
Valgerður Þórhildardóttir